

Жаннатдан тұсувчи амал



Жаннатдан тұсувчи амал

14:31 / 21.04.2022 4692

Набий соллаллоҳу алайҳи васаллам саҳобалар билан масжидда ўтирган әдилар. Уларга дедилар:

- Ҳозир сизнинг ҳузурингизга жаннат аҳлидан бўлган бир киши чиқади!

Шу пайт ансорлардан бир киши чиқди. Унинг соқолларидан таҳоратининг сувлари оқиб турад әди.

Эртаси куни ҳам Расулуллоҳ соллаллоҳу алайҳи васаллам саҳобаларга дедилар:

- Ҳозир сизнинг ҳузурингизга жаннат аҳлидан бўлган бир киши чиқади!

Яна кечаги анзорий кириб келди.

Учинчи куни бўлганда яна Расулуллоҳ соллаллоҳу алайҳи васаллам:

- Ҳозир сизнинг ҳузурингизга жаннат аҳлидан бўлган бир киши чиқади!- дедилар.

Масжидга яна ўша анзорий кириб келди!

Масжиддан тарқалгач, Абдуллоҳ ибн Амр ибн Ос розияллоҳу анҳу ўша ансорийдан сўради:

- Мен отам билан хусуматлашиб қолдим. Уч кеча унинг уйига кирмасликка қасам ичдим. Шу уч кунда сеникида қолсам бўладими?

Анзорий:

- Марҳабо! Хуш келибсан!-деди.

Абдуллоҳ унинг уйида уч кун турди. Анзорий кечаси ҳам, кундузи ҳам бирор-бир ортиқча нафл ибодат қилмади. Фақатгина кечаси уйғонганида Аллоҳни зикр қилиб қўяр эди. Токи муаззин бомдодга аzon айтгунича ана шу ҳолатда тонг оттирди. Сўнгра туриб бомдодни ўқиди!

Уч кун ўтганидан сўнг Абдуллоҳ унинг қиласиган амалларини оз деб ўйлади ва анзорийга деди:

- Мен билан отам ўртасида ҳеч қандай хусумат ва келишмовчилик бўлмаган эди. Аммо уч кун Расулуллоҳ соллаллоҳу алайҳи васаллам: «Ҳозир сизнинг ҳузурингизга жаннат аҳлидан бўлган бир киши киради!», дедилар. Ўша уч кунда ҳам сен кириб келдинг. Сен бунга нима билан эришганингни билмоқчи бўлдим!

Анзорий деди:

- Кўриб турганингдек ортиқча амалим йўқ. Аммо менда мўъмин-мусулмонларга нисбатан ғаш-алдов йўқ, Аллоҳ уларга берган нарсаларда қалбимда ҳасад йўқ!

Абдуллоҳ ибн Амр розияллоҳу анҳу унга деди:

- Сен мана шу амалинг билан жаннатга эришгансан. Биз тоқат қила олмайдиган нарса ана шу!

Қалбингизни ислоҳ қилинг. Ана шунда фарзлардан бошқа ибодатлар қилмасангиз ҳам сизга зарар бермайди. Инсонларнинг бошига келган нарса қалбларининг хароблигидан келгандир!

«Аммо менда мўъмин-мусулмонларга нисбатан ғаш-алдов йўқ!».

Яъни, муомалада ростгўйлик, савдода ростгўйлик, маслаҳатда ростгўйлик, насиҳатда ростгўйлик...

Ҳадисда келади: «Ким бизни алдаса биздан әмас!».

«Аллоҳ уларга берган нарсаларда қалбимда ҳасад йўқ!».

Ширкдан кейин қалбдан жой оладиган энг ёмон нарса ҳасаддир. Ҳасад Аллоҳга қилинган биринчи гуноҳдир. Иблиснинг Одам алайҳиссаломни ёмон кўриб қолишига, Аллоҳ унга Одам алайҳиссаломга сажда қилишни амр қилганида сажда қилмаганига сабаб ҳасаддир! Ўшанда у ўзини Одам алайҳиссаломдан афзал деб ўйлаган, бу мақомга ўзини муносиб деб билган эди!

Аллоҳ сизга берган нарсага қаноат қилинг, кишиларнинг энг бойи бўласиз. Бошқаларнинг қўлига қараманг. Агар бошқаларга берилган неъматларга қарайверсангиз ўзингизга берилган неъматларга шукр қилиш учун вақт топа олмай қоласиз.

Ҳадислардан бирида: «Ҳасаддан сақланинглар! Чунки ҳасад олов ўтинни егани каби яхшиликларни еб битиради!», дейилади.

Абдулқодир Полвонов